

áš-pur-ma ^da-nu-um ul i-[le-^ʔa-a ma-ḥar-šá] • 3-26
^dnu-dím-mud e-dur-ma i-[tu-ra ár-kiš]
^ʔi-ir ^dAMAR.UTU ap-kal-[lu DINGIR.DINGIR ma-ru-ku-un]
ma-ḥa-riš ti-amat lib-[ba-šu a-ra ub-la]

ep-šu pi-i-šu i-[ta-ma-a a-na ia-a-ti] 115 • 3-27
šum-ma-ma a-na-ku [mu-tir gi-mil-li-ku-un]
a-kam-me ti-amat-ma [ú-bal-laṭ ka-šú-un]
šuk-na-a-ma pu-uḥ-ru š[u-ti-ra i-ba-a šim-ti]

i-na up-šu-ukkin-na-ki mit-[ḥa-riš ḥa-diš tíš-ba-ma] • 3-28
ep-šu pi-ia ki-ma k[a-tu-nu-ma ši-ma-tú lu-šim-ma] 120
la ut-tak-kar mim-mu-u a-ban-nu-ú [a-na-ku]
[a]-a i-tur [a-a i]n-nin-na-a sì-qar ša[p-ti-ia]

ḥu-um-ṭa-nim-ma ši-mat-ku-nu ár-ḥiš [ši-ma-šú] • 3-F
lil-lik lim-ḥu-ra na-kar-ku-nu dan-nu

iš-mu-ma ^dlāḥ-ḥa ^dla-ḥa-mu is-su-ú e-li-tum 125 • 3-29
^dí-gì-gì nap-ḥar-šú-nu i-nu-qu mar-ši-iš
mi-na-a nak-ra a-di ir-šu-ú ši-bi-it ṭ[e₄-mì-n]i
la ni-i-di ni-i-ni šá ti-amat e-piš-[taš]

128: B ni-i-nu; a ša; B ti-wa-wa-ti

ik-šá-šu-nim-ma il-la-[ku-ni] • 3-30
DINGIR.DINGIR GAL.GAL ka-li-šú-nu mu-ši-mu [NAM.MEŠ] 130
i-ru-bu-ma mut-ti-iš an-šár im-lu-u [ḥi-du-ta]
in-niš-qu a-ḥu-u a-ḥi ina UKKIN [x x x x]

129: a il-lak-[]; 130: a mu-šim-[mu]; 132: B ŠEŠ-u ŠEŠ ina pu-uḥ-ri

li-šá-nu iš-ku-nu ina qé-re-e-ti [uš-bu] • 3-31
áš-na-an i-ku-lu ip-ti-qu ku-r[u-un-nu] 135
ši-ri-sa mat-qu ú-sa-an-ni-nu ra-ṭi-šu-[un]
ši-ik-ru ina šá-te-e ḥa-ba-šu zu-um-[ri]

136: B [ši]-ik-ra

ma-a^ʔ-diš e-gu-ú ka-bat-ta-šú-un i-te-el-[liš_x] • 3-32
a-na ^dAMAR.UTU mu-tir gi-mil-li-šú-nu i-ši-mu šim-[ta]

137: B i-gu-^ʔú^ʔ ka-bat-ta-šú-nu; 138: B a-na an-šár; a i-šim-mu

Tablet IV

id-du-šum-ma pa-rak ru-bu-ú-ti • (3-32)
ma-ḥa-ri-iš ab-bé-e-šu a-na ma-li-ku-ti ir-me

1: a ru-bu-tum; 2: a ma-li-ku-tum; K ir-mu, L ir-bi

at-ta-ma kab-ta-ta i-na DINGIR.DINGIR GAL.GAL • 4-1
ši-mat-ka la ša-na-an sì-qar-ka ^da-nu-um
^dAMAR.UTU kab-ta-ta i-na DINGIR.DINGIR GAL.GAL 5
ši-mat-ka la ša-na-an sì-qar-ka ^da-nu-um

3: a ra-bu-tum; 4: K <-ka>; a ^da-num; 5: a ra-bu-tum; 6: a ^da-num

iš-tu UD-mi-im-ma la in-nin-na-a qí-bit-ka • 4-2
šu-uš-qu-ú ù šu-uš-pu-lu ši-i lu-ú ŠU-ka
lu-ú ki-na-at ši-it pi-i-ka la sa-ra-ar sì-qar-ka
ma-am-ma-an i-na DINGIR.DINGIR i-tuk-ka la it-ti-iq 10

8: a qá-at-ka; 9: KL šá-na-an sì-qar-ka; 10: K ^ʔa¹-na

za-na-nu-tum er-šat pa-rak DINGIR.DINGIR-ma • 4-3
a-šar sa-gi-šu-nu lu-ú ku-un áš-ruk-ka
^dAMAR.UTU at-ta-ma mu-tir-ru gi-mil-li-ni
ni-id-din-ka šar-ru-tum kiš-šat kal gim-re-e-ti

11: K [za-na-nu]-ti it-tul; 12: a aš-ru-uk-ka; 14: K i nid-din-ka [šar]-ru-ti; K [ka]-lu

ti-šab-ma i-na UKKIN lu-ú šá-qa-ta a-mat-ka 15 • 4-4
GIŠ.TUKUL.MEŠ-ka a-a ip-pal-ṭu-ú li-ra-i-su na-ki-ri-ka
be-lum šá tak-lu-ka na-piš-ta-šu gi-mil-ma
ù DINGIR šá lem-né-e-ti i-ḥu-zu tu-bu-uk nap-šat-su

15: a ti-šam-ma; a pu-ḥur; a ša-qá-ta; 16: a kak-ki-ka; a ip-pal-ṭu-ú; 18: B [ù]-lu; K nap-šat-su-[u]n

uš-zi-zu-ma i-na bi-ri-šú-nu lu-ma-šá iš-tin • 4-5
an ^dAMAR.UTU bu-uk-ri-šu-nu šu-nu iz-zak-ru 20
ši-mat-ka be-lum lu-ú maḥ-rat DINGIR.DINGIR-ma
a-ba-tum ù ba-nu-ú qí-bi li-ik-tu-nu

19: B uš-ziz-zu-ma; B ina; a bi-ri-šu-nu; a lu-ma-šu; 20: a a-na; 21: a maḥ-ra-at; 22: B <ù>; B ba-nu-u; K qí-bu; K lik-tu-na

ep-šú pi-i-ka li-^ʔa-a-bit lu-ma-šu • 4-6
tu-ur qí-bi-šum-ma lu-ma-šu li-iš-lim
iq-bi-ma i-na pi-i-šu u^ʔ-a-bit lu-ma-šu 25
i-tur iq-bi-šum-ma lu-ma-šu it-tab-ni

23: a *ep-ša*; 24: B [tu-ur]-ri; K *lu-ma-a-šum* [li]š-[li]m; 25: B *ina*; K *ia-a-bit*; KM *lu-ma-a-šum*; 26: a *i-tu-ur*; KM *lu-ma-a-šum*

ki-ma ši-it pi-i-šu i-mu-ru DINGIR.DINGIR AD.AD-šu • 4-7
iḫ-du-ú ik-ru-bu ^dAMAR.UTU-*ma* LUGAL
uṣ-ši-bu-šu GIŠ.PA GIŠ.GU.ZA ù BAL-*a*
id-di-nu-šu ka-ak la maḫ-ra da-ṽi-i-pu za-a-a-ri 30

27: a *ab-bé-e-šu*; 28: a *šar-ru*; 29: a *ú-uṣ-ši-bu-šu*; a GIŠ.NÍG.PA; 30: a *kak-ku*; a *ma-aḫ-ra*, K *maḫ-<ra>*, M -*r*]i; KM *da-a-a-i-pu*

a-lik-ma šá ti-amāt nap-šá-tuṣ pu-ru-u³-ma • 4-8
ša-a-ru da-mi-šá a-na pu-uz-ra-tum li-bil-lu-ni
i-ši-mu-ma šá be-lí ši-ma-tuṣ DINGIR.DINGIR AD.AD-šu
ú-ru-uḫ šul-mi u taš-me-e uš-ta-aṣ-bi-tu-uš ḫar-ra-nu

31: K *ta-wa-wa-ti*; a *nap-ša-tu-uš*; 32: K IM.MEŠ; a *da-mi-ša*; KM *pu-zu-ra-ti*; KM *lu-bil-lu-ni*; 33: a ^dEN; a *ši-ma-tu-uš*; a *ab-bé-e-šu*; 34: a *ú-ru-uḫ šu-ul-mu*; KM *ú-šá-aṣ-bi-tu-ú ḫar-ra-na*

ib-šim GIŠ.BAN GIŠ.TUKUL-šu *ú-ad-di* 35 • 4-9
mul-mul-lum uš-tar-ki-ba ú-kin-ši mat-nu
iš-ši-ma miṭ-ṭa im-na-šu ú-šá-ḫi-iz
 GIŠ.BAN *u iš-pa-tum i-du-uš-šu i-lul*

35: a *ib-šim-ma*; a *kak-ka-šu*; 36: K *mul-mul-lu¹*; a *ú-kin-šu*; a *ma-at-nu*; 37: a GIŠ.TUKUL.DINGIR; d *im-na-šú*; a *ú-šá-ḫi-iz*; 38: cK ù; a KUŠ.iš-*pa-tum*, KM KUŠ.iš-*pa-te*; d *i-du-uš-šú*; a *i-lu-ul*

iš-kun NIM.GÍR *i-na pa-ni-šu* • 4-10
nab-la muš-taḫ-me-ṭu zu-mur-šu um-tal-li 40
i-pu-uš-ma sa-pa-ra šul-mu-ú qer-biš ti-amāt
er-bet-ti šá-a-ri uš-te-eṣ-bi-ta la a-še-e mim-mi-šá

39: a *bi-ir-qu*; d *pa-ni-šú*; 40: ad *nab-lu*, K -*li*; a *muš-taḫ-mi-ṭu*, K -*me-ṭu*, M -*ṭa*; d *zu-mur-šú*; a *um-ta-al-la*; 41: d *šul-mu-u*; a *qer-bi-iš*; a *tam-tim*; 42: a LÍMMU-*tim*; aK IM.MEŠ; d *ana la*; M *mim-mi-šú*, a *mi-im-me-ša*

IM.U₁₈.LU IM.SI.SÁ IM.KUR.RA IM.MAR.TU • 4-11
i-du-uš sa-pa-ra uš-taq-ri-ba qí-iš-ti AD-šú ^da-num
ib-ni im-ḫul-la IM lem-na me-ḫa-a a-šam-šu-tum 45
 IM.LÍMMU.BA IM.IMIN.BI IM.SÜḪ IM.SÁ.A.NU.SÁ.A

43: E *šu-[tu]*; 44: f *sa*]-*pa-ru*, KM -*ri*; f *a-na* [qí-iš-ti; K [AD]-*šu*, a *a-b*]i-*šu*; KM ^da-*nu-um*; 45: KM IM.ḪUL; f *ša-ar lem-nu*; f *me-ḫu-ú*; KM *a-šam-šu-tú*; 46: E IM.4.BI; d IM.IMIN; d IM.NU.SÁ.A

ú-še-ša-am-ma IM.MEŠ *šá ib-nu-ú si-bit-ti-šú-un* • 4-12
qer-biš ti-amāt šu-ud-lu-ḫu te-bu-ú EGIR-šú
iš-ši-ma be-lum a-bu-ba GIŠ.TUKUL-šú GAL-*a*
 GIŠ.GIGIR UD-*mu la maḫ-ri ga-lit-ta ir-kab* 50

47: f *ša-a-ri*; f *si-bit-ti-šu-un*, KM -*šú-nu*; 48: Ef *qer-bi-iš*; d *ti-bu-ú*; K *te-bu-u*; f *ar-ki-šu*; 49: f *a-bu-bu*; K GIŠ.TUKUL-*šu*, f *kak-ka-šu*; f *ra-ba-a-am*; 50: f *maḫ-ru*; KM *maḫ-ḫi-rat*; f *ga-lit-tum*; f *ir-ka-ab*

iš-mid-sim-ma er-bet na-aṣ-ma-di i-du-uš-šá i-lul • 4-13
ša-gi-šu la pa-du-ú ra-ḫi-šu mu-up-par-šá
pa-tu-ni šap-ti šin-na-šu-nu na-šá-a im-ta
a-na-ḫa la i-du-ú sa-pa-na lam-du

51: f [iṣ]-*mid-šum-ma*, E *iš-mi-is-si*-[; KM *er-bé-ta*, f 4; fKM *na-aṣ-ma-du*; f *i-du-uš-šu*; f *i-lu-ul*; 52: K *šag-gi-šu*, E ¹*ša*¹-*ag-gi*-[; KM *pa-du-u*; f *mu-up-par-šu*, K -*ši*; 53: K *pa-tu-nu*; E *zaq-tu-ti*; d *šin-na-šú-nu*; f *na-ša-a*; f *im-tum*; 54: KM *lam-NA*

uš-ziz im-nu-uš-šu ta-ḫa-za ra-áš-ba u tu-qu-un-tú 55 • 4-14
šu-me-la a-na-an-ta da-a-a-i-pat ka-la mut-te-tén-di
na-aḫ-lap-ta ap-luḫ-ti pul-ḫa-ti ḫa-lip-ma
mé-lam-mi ra-šub-ba-ti a-pi-ir ra-šu-uš-šu

55: G [uṣ]-*zi-iz*; d *tu-qu-un-tu*[m]; 56: G [šu-me]-*lam*; d -*e*]n-*d*[i]; 57: G [GÚ].E; G *ap-luḫ-t*[e]; KM *pul-ḫa-ta*; 58: d *me-lam-mi*-[š]ú; d *ra-šu-uš-šú*

uš-te-šer-ma be-lum ur-ḫa-šú ú-šar-di-ma • 4-15
áš-riš ti-amāt šá ug-gu-gat pa-nu-uš-šu iš-kun 60
i-na šap-ti-šu ta-a ú-kal-la
šam-mi im-ta bul-li-i ta-me-eḫ rit-tuṣ-šu

59: KM *ur-ḫa-šu*; KM *i-šar-di-ma*; 60: G *ta-mi-a-ti*; G *ša*; d *pa-nu-uš-šú*; 61: G *šap*]-*te-e-šu*; d *ú-kal-lu*; 62: G *im-ti*; G *bu-ul*-[; d *rit-tuṣ-šú*

i-na UD-mi-šu i-dul-lu-šu DINGIR.DINGIR *i-dul-lu-šu* • 4-16
 DINGIR.DINGIR AD.AD-šu *i-dul-lu-šu* DINGIR.DINGIR *i-dul-lu-šu*
iṭ-ḫe-ma be-lum qab-lu-uš ta-wa-wa-ti i-bar-ri 65
šá ^dkin-gu ḫa-ṽi-ri-šá i-še-ṽa-a šib-qí-šu

63: d *i-dul-lu-šú*; 64: d AD.AD-šú, G]-*bu-šu¹*, J *ab-bé*]-¹*e¹-šu*; d *i-dul-lu-šú*, J *i-du-lu-šu*; 65: J [iṭ-ḫe]-*e-ma*; K *qab-lu-šu*; d *ti-wa-wa-ti*; 66: J *ḫa-ṽi-ri-šú*; J *i-še-ṽe-e*; a *šib-qí-šú*

i-na-aṭ-ṭal-ma e-ši ma-lak-šú • 4-17
sa-pi-iḫ ṭe-ma-šu-ma si-ḫa-ti ep-šet-su
 ù DINGIR.DINGIR *re-šu-šu a-li-ku i-di-šú*
i-mu-ru-ma qar-da a-šá-re-du ni-ṭil-šú-un i-ši 70

67: K *i-na-aṭ-ṭa-lam-ma*, J *i-na-aṭ-ṭal^{al}-ma*; K *ma-lak-šu*, J *ma-la-a*[k-; 68: G ṭé-[-; K *sa-ḫa-ti*, J *si-ḫa-a-ti*; 69: d DINGIR.M[EŠ]; G] ÁŠ *re*]-*šu-šu*, J *re-ši-šu*; K *i-di-šu*; 70: J *qar-da*; J *a-ša-re-du*; K *ni-ṭi-li-šu-un*

id-di t[a-a-šá] ti-amāt ul ú-ta-ri ki-šad-sa • 4-18
i-na šap-ti-šá lul-la-a ú-kal sar-ra-a-ti
 [x]-*ta-za* [x x] *šá be-lum* DINGIR.DINGIR *ti-bu-ka*
 [áš]-*ru-uš-šú-un ip-ḫu-ru šu-nu áš-ruk-ka*

72: J -š]a; 73: K [be]-*lí*; K *te-bu-šu*; 74: K *áš-ru-uš-šu*

[iš-ší]-*ma be-lum a-bu-ba* GIŠ.TUKUL-šú GAL-*a* 75 • 4-A
 [a]-*na ti-amāt šá ik-mi-lu ki-a-am iš-pur-ši*

75: K GIŠ.TUKUL-*šu*, J *kak-k*[a-; 76: J *ša*; K *iš-pur*; Lambert *iš-pur*-[šú¹

- mi-na-a ṭub-ba-a-ti e-liš na-šá-ti-ma* • 4-19
ù ka-pid ŠÀ-ba-ki-ma de-ke a-na-an-ta
is-su-ú DUMU.MEŠ AD.AD-šu-nu i-da-aš-šu
ù at-ti a-lit-ta-šú-nu ta-zi-ri re-e-ma 80
- 77: J ṭú-ub-ba-a-ti; 78: J ka]-pi-id; 79: J ma-ru-ú a-bu-šu-[]; d AD.AD-šú-nu; 80: J a-lit-ta-šu-ni; h ta-zi-ri, K ta-zi-ri, J ta-zi-ri
- tab-bé-ma ^dkin-gu a-na ḥa-ṛi-ru-ti-ki* • 4-20
a-na la si-ma-ti-šu taš-ku-ni-iš a-na pa-ra-aš ^de-nu-ti
a-na an-šár LUGAL DINGIR.DINGIR lem-né-e-ti te-eš-e-ma
ù a-na DINGIR.DINGIR AD.AD-e-a le-mut-ta-ki tuk-tin-ni
- 81: Lambert ta-am-bé-e, J [ta-a]m-bé-e; h ḥa-ṛi-ru-[]; 82: J taš-kun-ni-[]; h taš-ku-ni]-šú; K pa-<ra>-aš; K <^d>, h ^da-n[u-ti]; 83: d te-še-ṛe-e-ma; 84: K AD.AD-šu; h le]-mut-ta-ka
- lu-ú ṣa-an-da-at um-mat-ki lu-ú rit-ku-su šu-nu GIŠ.TUKUL.MEŠ-ki* 85 • 4-B
en-di-im-ma a-na-ku u ka-a-ši i ni-pu-uš šá-áš-ma
- 85: K um-mat-ku; d lu; 86: N e[n-di-m]a; K ù; f ka-a-šú
- ti-ammat an-ni-ta i-na še-mé-šá* • 4-21
maḥ-ḥu-tíš i-te-mi ú-šá-an-ni ṭè-en-šá
is-si-ma ti-ammat šit-mu-riš e-li-ta
šur-šiš ma-al-ma-liš it-ru-ra iš-da-a-šú 90
- 87: f ina; K še-mé-ša, f še-me-e-šú; 88: f maḥ-ḥu]-ti-iš; f i-te-me; K ú-ša-an-ni, f ú-šá-an-nu; K ṭè-en-ša; 89: f šit-mu-ri-iš; K e-li-šu; 90: f it-ru-ru; K iš-da-šú
- i-man-ni šip-ta it-ta-nam-di ta-a-šú* • 4-22
ù DINGIR.DINGIR šá MÈ ú-šá-ṛa-lu šu-nu GIŠ.TUKUL.MEŠ-šú-un
in-nin-du-ma ti-ammat ABGAL DINGIR.MEŠ ^dAMAR.UTU
šá-áš-meš it-lu-pu qit-ru-bu ta-ḥa-zi-iš
- 91: K ta-a-šu; 92: fh ú-šá-ṛa-a-lu; f šú-nu kak-ki-šu; 93: K ù ABGAL; K DINGIR.DINGIR
- uš-pa-ri-ir-ma be-lum sa-pa-ra-šú ú-šal-me-ši* 95 • 4-23
im-ḥul-la ṣa-bit ar-ka-ti pa-nu-uš-šá um-taš-šir
ip-te-ma pi-i-šá ti-ammat a-na la-ṛa-a-ti-šá
im-ḥul-la uš-te-ri-ba a-na la ka-tam šap-ti-šá
- 95: K sa-pa-ra-šu; d ú-šal-mé-[]š; 96: d im-ḥul-lu; d pa-nu-uš-šú; 97: KN pi-i-šá; d la-ṛa-a-ti-šú, K -šá; 98: K ka-<ta>-mu; d šap-ti-šú, K -šu
- ez-zu-tum IM.MEŠ kar-ša-ša i-za-nu-ma* • 4-24
in-né-sil ŠÀ-ba-šá-ma pa-a-šá uš-pal-ki 100
is-suk mul-mul-la iḥ-te-pi ka-ras-sa
qer-bi-šá ú-bat-ti-qa ú-šal-liṭ ŠÀ-ba
- 99: d ez-zu-ti; 100: K ŠA-[ba-š]a-ma; h pa-a-šá; 101: KM iḥ-t]e-pa; hKM ka-ra-su; 102: KM ú-šá-liṭ
- ik-mi-ši-ma nap-šá-tuš ú-bal-li* • 4-C
šá-lam-taš id-da-a UGU-šá iz-zi-za

- 103: d nap-šá-taš; 104: d šá-lam-<ta>-šá; KM iz-za-zi, d i-za-za
- ul-tu ti-ammat a-lik pa-ni i-na-ru* 105 • 4-25
ki-iš-ri-šá up-tar-ri-ra pu-ḥur-šá is-sap-ḥa
ù DINGIR.DINGIR re-ṣu-šá a-li-ku i-di-šá
it-tar-ru ip-la-ḥu ú-saḥ-ḥi-ru al-kât-su-un
- 107: E DINGIR.MEŠ; 108: h ú-saḥ-ḥi-ra
- ú-še-ṣu-ma nap-šá-tuš e-ṭi-ru* • 4-26
ni-ta la-mu-ú na-par-šu-diš la le-ṛe-e 110
i-sír-šú-nu-ti-ma GIŠ.TUKUL.MEŠ-šú-nu ú-šab-bir
sa-pa-riš na-du-ma ka-ma-riš uš-bu
- 109: KM e-ṭi-ra; 110: E ni-i-ta; h na-par-šu-di-iš, K na-^lpa^l-a[r-; K le-ṛa-a; 111: E i-si-ra-šú-nu-[], M]-šu-n[u-t]i-ma; 112: E sa-pa-ri-iš
- en-du tub-qa-a-ti ma-lu-ú du-ma-mi* • 4-D
še-ret-su na-šu-ú ka-lu-ú ki-šuk-kiš
- 113: KM túb-qa-ti, E tu-[]; h du-ma-mu; 114: E še-re-es-su, M š[e-ret]-sa; h na-šu-u
- ù iš-tin-eš-ret nab-né-ti šu-ut pul-ḥa-ti za-ṛi-nu* 115 • 4-27
mi-il-la gal-le-e a-li-ku ka-lu im-ni-šá
it-ta-di šer-re-e-ti i-di-šu-nu ú-ka-as-si
qá-du tuq-ma-ti-šú-nu šá-pal-šú ik-bu-us
- 115: E <ù>; K nab-nit-sa, E na]-ab-né-[]; h i-za-nu; 116: a GAL₅.LÁ.MEŠ; E ^lMI^l GAL []; 117: aE it-ta-ad-di; 118: K]-ti-šu-[nu]; KM šá-pal-šu
- ù ^dkin-gu šá ir-tab-bu-u i-na bi-ri-šú-un* • 4-28
ik-mi-šu-ma it-ti DINGIR.UG₅.GA-e šu-a-ta im-ni-šu 120
i-kim-šu-ma DUB NAM.MEŠ la si-ma-ti-šu
i-na ki-šib-bi ik-nu-kam-ma ir-tuš it-muḥ
- 119: i ir-tab-bu-ú; h ina; a bi-ri]-šu-un; 120: KM DINGIR.UG₅.GA.MEŠ; 122: a ir-t[u-u]š; a it-mu-úḥ
- iš-tu lem-né-e-šú ik-mu-ú i-sa-du* • 4-29
a-a-bu mut-ta-ṛi-du ú-šá-pu-ú šu-ri-šam
ir-nit-ti an-šár UGU na-ki-ri ka-liš uš-zi-zu 125
ni-iz-mat ^dnu-dím-mud ik-šu-du ^dAMAR.UTU qar-du
- 123: a lem-né-šu; 124: i [a-a]-bi; i mut-ta-du; a ú-ša-pu-ú, KM -u; 125: a e-li; a na-ki-ru; a ka-li-iš; KM uš]-zi-iz-za
- e-li DINGIR.MEŠ ka-mu-tum ṣi-bit-ta-šu ú-dan-nin-ma* • 4-E
še-ri-iš ti-ammat šá ik-mu-ú i-tu-ra ar-ki-iš
- 127: i DINGIR.DINGIR; KM ka]-mu-ti, i -ú-ti; 128: i [še-r]iš; i ti-wa-wa-ti, P ta-wa-wa-ti, K -w]a-^lwa-ti^l; M i-tu-ru; M ar-kiš
- ik-bu-us-ma be-lum šá ti-a-ma-tum i-šid-sa* • 4-30
i-na mi-ṭi-šu la pa-di-i ú-lat-ti muḥ-ḥa 130
ù-par-ri-iṭ-ma uš-lat da-mi-šá
šá-a-ru il-ta-nu a-na pu-uz-rat uš-ta-bil

129: M t[a]-wa-wa-ti, P]-wa-ti; 130: a mu-úh-ḥa; 131: a uš-la-at; a da-mi-ša; 132: KP IM.SI.SÁ; KM pu-zu-ra-ti, P -tú

i-mu-ru-ma ab-bu-šu iḥ-du-ú i-ri-šu • 4-31
 IGI.SÁ-e šul-ma-ni ú-šá-bi-lu šu-nu ana šá-a-šu
 i-nu-úh-ma be-lum šá-lam-taš i-bar-ri 135
 UZU.ku-bu ú-za-a-zu i-ban-na-a nik-la-a-ti

133: K AD].AD-šu; KM iḥ-du-u; 134: a šul-ma-nu; a ú-šá-bi-lu; aP a-na; a ša-a-šu, M šá-a-šú; 135: a ša-lam-tu-uš; 136: K ú-za-a-za, P]-a-a-za; KP nik-lá-a-ti, M nik-lá-ti

iḥ-pi-ši-ma ki-ma nu-un maš-ṭe-e a-na ši-ni-šu • 4-32
 mi-iš-lu-uš-ša iš-ku-nam-ma šá-ma-mi uš-šal-lil
 iš-du-ud pár-ka ma-aš-ša-ra ú-šá-aš-bit
 me-e-ša la šu-ša-a šu-nu-ti um-ta-ṭi-ir 140

137: a nu-nu; P m]a-aš-ṭe-e; a 2-šu; 138: K -u]š-šá; K iš-ki-nam-ma, O iš-ku-nu-]; a ša-ma-ma; a ú-ša-al-lil; 139: a pár-ku; a ma-aš-ša-ra; a ú-ša-aš-bit; 140: a šu-ša-a; K šu-nu-tú

AN-e i-bi-ir áš-ra-ta i-ḥi-ṭam-ma • 4-F
 uš-tam-ḥi-ir mé-eḥ-rit ap-si-i šu-bat ^dnu-dím-mud

141: K -r]i; a aš-ra-tum; 142: K m]é-eḥ-rit, a -rat; a ZU.AB

im-šu-úh-ma be-lum šá ap-si-i bi-nu-tuš-šu • 4-33
 èš-gal-la tam-ši-la-šu ú-kin é-šár-ra
 èš-gal-la é-šár-ra šá ib-nu-ú šá-ma-mi 145
^da-num ^dEN.LÍL u ^dÉ.A ma-ḥa-zi-šu-un uš-ram-ma

143: a ZU.AB; a bi-nu-tu-uš-šu; 144: a ú-ki-in; 145: Lambert ib-nu-u; a ša-ma-mu; 146: K ma-ḥa-za-šu-un

Tablet V

ú-ba-áš-šim man-za-za an DINGIR.DINGIR GAL.GAL • 5-1
 MUL.MEŠ tam-šil-šu-nu lu-ma-ši uš-zi-iz
 ú-ad-di MU.AN.NA mi-iš-ra-ta ú-aš-šir
 12 ITI.MEŠ MUL.MEŠ 3-TA.ÀM uš-zi-iz

1: a GAL.MEŠ; 3: b ú-ma-aš-šir

iš-tu UD-mi ša MU.AN.NA uš-š[i-ru] ú-šu-ra-ti 5 • 5-2
 ú-šar-šid man-za-az ^dné-bé-ri ana ud-du-u rik-si-šú-un
 a-na la e-peš an-ni la e-gu-ú ma-na-ma
 man-za-az ^dEN.LÍL u ^dÉ.A ú-kin it-ti-šú

6: c ^dné-bé-r]u a-n[a; 7: b e-gu-u; 8: g -za; g ù; c u ^da-num; b it-t]i-šú

ip-te-ma KÁ.GAL.MEŠ ina še-li ki-lal-la-an • 5-3
 ši-ga-ru ú-dan-ni-na šu-me-la u im-na 10
 ina ka-bat-ti-šá-ma iš-ta-kan e-la-a-ti
^dnanna-ru uš-te-pa-a mu-šá iq-ti-pa

9: g]-e-ma; g i-na; 10: g ši-ga-ri, b ud-dan-ni-na, g ú-dan-ni-ma; šu-me-lu; 11: g [i]-na ka-bat-ti-šu-ma iš-ta-ka-[an; 12: c] AN šú uš-te-pa-a; g mu-ša

ú-ad-di-šum-ma šu-uk-nat mu-ši a-na ud-du-ú UD-mi • 5-4
 ar-ḥi-šam la na-par-ka-a ina a-ge-e ú-šir
 i-na SAG ITI-ma na-pa-ḥi e-li ma-a-ti 15
 qar-ni na-ba-a-ta a-na ud-du-ú 6 UD-mu

13: c šuk-nat; b UD]-me; 14: c AG[A; 16: b ana; bd [UD]-mi

i-na UD 7-KAM a-ga-a [maš]-la • 5-5
 [šá]-pat-tu lu-ú šu-tam-ḥu-rat mi-[šil ar-ḥi]-šam
 i-nu-ma ^dUTU i-na i-šid AN-e ina-[aṭ-ṭa-l]u-ka
 ina si-im-ti šu-tak-ši-ba-am-ma bi-ni ar-ka-niš 20

17: c 7-KAM 5 UD [; 18: c]-KAM 5 UD [; b meš-l[i; 20: b ^rar^l-k[a-ni]-iš

UD bu-ub-bu-lum a-na ḥar-ra-an ^dUTU šu-taq-rib-ma • 5-6
 šá [UD] 30-KAM lu šu-tam-ḥu-rat ^dUTU lu šá-na-at
 ú-[x x] GISKIM ba-ṭi-i ú-ru-uḥ-šá
 za-m[i-x x] šu-taq-ri-ba-ma di-na di-na

21: d šu]-taq-rim-ma

lip-[... ^dUTU nim-ma-tú da-a-ka] ḥa-ba-la 25 • 5-7
 áš-[... ...-in]-ni ia-a-ti
 e-[...]
 qar-[...]